



李君虞詩集

李益字君虞著

登夏州城觀送行人賦得六州胡兒歌

六州胡兒六蕃語十歲騎羊逐一作沙鼠沙頭

飛漢軍遊騎貂錦衣雲中征戍三千里今日征行

歲歸無定河邊數株柳共送行人一盃酒胡兒起一作本

和蕃歌齊唱嗚嗚盡垂手心知舊國西州遠西向胡天望

卿久回身一作忽作異方聲一聲回盡征人首蕃音虜曲

直一作難分似說邊情向塞雲故國關山無限路風沙滿

眼堪斷魂不見天邊青作塚古來愁殺漢昭君

登長城

漢家今上郡秦塞古長城有日雲長慘無風沙自驚當今

聖天子不戰四夷平

度破訥沙二首

眼見風來沙旋移經年不省草生時莫言塞北無春到縱
有春來何處知

破訥沙頭鴈正飛鷓鴣梁上戰初歸平明日出東南地滿

磧寒光生鍊衣

梁一作泉

效古促：曲為河上思婦作

促促何促促黃河九回曲嫁與棹頭郎空牀將影宿不道
君心不如石那令妾貌長如玉

雜體

妾本蠶家女不識貴門儀藁砧持玉斧交結五陵兒十日
成一見九日在路歧人生此夫婿富貴歎何為楊柳徒可

折南山不可移婦人貴結髮寧有再嫁資嫁女莫望高女
心願所宜寧從賤相守不願貴相離藍葉鬱重：藍花若
榴色少女歸少年光華自相得誰言配君子以奉百年身
有義即夫婿無義還他人愛如寒壚火葉若秋風扇山岳
起面前相看不相見丈夫非小兒何用強相知不見朝生
菌易成還易衰征客欲臨路居人還出門北風河梁上四
野愁雲繁豈不戀我家夫婿多感恩前程有日月勳績在
河源少婦馬前立請君聽一言春至草亦生誰能無別情
殷勤展心素見新莫忘故遙望孟門山殷勤報君子既為
隨陽雁勿學西流水嘗聞生別離悲莫悲如此同器不同
榮堂下即千里與君貧賤交何異萍上水託身天使然同
生復同死

同崔邠登鶴雀樓

鶴雀樓西百尺墻汀洲雲樹共茫茫
漢家蕭鼓空流水魏國山河半夕陽
事去千年猶恨速一作愁來一日即為長
風烟并是思歸望遠目非春亦自傷

拂雲堆

漢將新從虜地來旌旗半上拂雲堆
單于每近沙場獵南望陰山哭始回

送遼陽使還軍

征人歌且行北上遼陽城二月戎馬息
悠悠邊草生青山出塞斷代地入雲平
昔者匈奴戰多聞殺漢兵平生報國憤
日夜角弓鳴勉君萬里去勿使虜塵驚

與僧法振同賦應門照綠苔

宮上何年月應門何歲苔清光一以照
白露共徘徊珠履久行絕玉房重未開
妾心正如此昭陽歌吹來

賦得早發送別

碧草縵如絨去來雙飛燕長門未有春
先入班姬殿梁塵遠復息簷寒窺欲遍
今至隨紅萼昔還悲素扇一別與秋鴻
差池詎相見

竹窓聞風寄苗發司空曙

微風驚暮坐臨牖思悠哉開門復動竹
疑是故人來時滴枝上露稍沾階下苔
何當一入幌為拂綠琴埃

賦得垣衣

漠漠復霏霏為君垣上衣昭陽輦下草
應笑此生非掩藹一作菴青去蒼茫白露晞
猶勝萍逐水流浪不相依

秋晚溪中寄懷大理齊司直時齊分司洛下有東山

鳳翔屬明代羽翼文歲誕崑崙進琪樹飛舞下瑤池振儀
自西曠東分釐國典唯平法伊人方在斯荒亭桁楊
肅芳輝蘭玉滋明質驚高景飄飄服纓綬天寒清洛苑秋
夕白雲司况復空巖側蒼々幽桂期歲寒坐流霞山川猶
別離浩思憑尊酒氛氲獨含辭

溪中月下寄楊子尉封亮

蘅若奪幽色衝思恍無惊宵長霜霰多歲宴懷海風團々
山中月三五離夕同露凝朱絃絕鷗至蘭玉空清光液流
波盛明難再逢常恐河漢遠坐窺一作煙景窮小人諒處
陰君子樹大功作大一元願厲高翼慰我丹桂叢

春晚賦得餘花落起字

留春：竟去春去花如此蝶舞繞應稀鳥驚飛詎已衰紅
辭故夢繁綠扶凋藥自委不勝愁庭風那更起

宿馮翊夜雨贈主人

危心驚夜雨起望漫悠々氣耿殘燈暗聲繁高樹秋涼軒
辭夏扇風幌擊輕綈思緒蓬初斷歸期燕暫留關山謁已
失臉淚送難收賴君時一笑方能解四愁

聞亡友王七嘉禾寺得素琴

故人惜此去留琴明月前今來我訪舊泪洒白雲天詎欲
匣孤響送君歸夜泉撫琴猶可絕况此故無絃何必雍門
奏然後使潺湲

校書郎楊凝往年以古鏡貺別今追贈以詩

明鏡出匣時明如雲間月一別青春檻回光照華髮美人

昔自愛鞶帶手中一作結願以一作三五期經天無玷缺

置酒命所歡憑觴遂為戚日往不再來茲晨生成昔百齡

非久長五十將半百胡為勞我形已鬢還復白西山鸞鶴

群一作矯一作烟霧翻明一作發金丹一作陰洞潛水碧安得

凌風羽唵岷駐靈魄無然坐衰老慙歎一作東陵柏

長社竇明府宅夜送王屋道士常寃子

已隨三鳥去羽節凌霞光暮與雙鳧宿雲車下紫陽天壇

臨月近洞水出山長海嶠平一作別立陵徒自傷

觀回軍

行一作上隴頭隴月一作暗悠一作萬里將軍沒回征隴戍秋

誰令嗚咽水重入故營流

賦得路傍一株柳送邢校書赴延州使府

路傍一株柳此路向延州延州在何處此路起悠一作

中橋北送穆質兄弟應制戲贈蕭二策

洛水橋邊雁影疎陸機兄弟駐行車欵陳漢帝登封草猶

待蕭郎寄內書

華山南廟

陰山臨古道古廟一作廟一作閉山碧落日春草中攀芳薦瑤席

明靈達精意鬢髮如不隔岩雨神降時回颺入松柏常聞

坑儒後此地近秦璧自古害忠良神其輔宗祏

喜邢校書遠至對雨同賦遠晚飯阮近五韻

雀噪空成陰木衰羈思遠已一作蔽青山望徒悲白雲晚

別離千里風雨中同一飯開遙說逢康臨觴方接阮旅宦

竟何如勞飛思自返

城西竹園送裴佶王達

歲寒凌風竹寂寞離人觴愴懷非外至沈鬱自中腸遠行
從此始別袂重淒霜

月下喜邢校書至自洛

天河夜未央漫漫復蒼蒼重君遠行至及此明月光華星
暎衰柳暗水入寒塘客心定何似餘歡方自長

重贈邢校書

俱從四方士共會九秋中斷蓬與落葉相值各因風

北至太原

炎祚昔昏替皇基此鬱盤玄命久已集撫運良乃艱南阮
羊腸險北走雁門寒始於一戎定垂此億世安唐風本憂

思王業寔艱難中曆雖橫潰天紀未可干聖明所興國靈
嶽固不殫咄咄薄遊客斯言殊不刊

入華山訪隱者經仙人后壇

三考西嶽下官曹少休沐久負青山諾今還獲所欲常聞
玉清洞金簡受玄籙風駕昇天行雲遊恣霞宿平明矯輕
策捫石入空曲仙人古后壇苔繞青瑤局陽桂凌烟紫陰
蘿冒水綠隔世聞丹經懸泉注明玉前驚羽人會白日天
居肅問我將致辭笑之自相目竦身雲遂起仰見雙白鵠
墮其一紙書文字類鳥足視之了不識三返又復歸來
問方士舉世莫解讀何必若蟬蛸然後為跼蹐鄙哉宦遊
子身志俱降辱再往不及期勞歌扣山木

罷鏡

手中青銅鏡照我年少時
衰頹一如此清光難復持
欲令孤月掩從遣半心疑
縱使逢人見猶勝自見悲

照鏡

衰髮朝臨鏡將看各自疑
慙君明似月照我白如絲

華陰東泉同張處士詣藏律師兼簡縣中同官因寄

齊中書

蒼崖抱寒泉淪照洞金碧
潛鱗孕明晦山靈閔幽精作曠

前峰何其詭萬變窮日夕一作松老風易悲
山秋雲更白

故人邑中吏五里仙霧隔
美質簡瓊瑤英聲缺金石煩君

竟相問我此何適我因贊
時理書寄西飛翮哲匠熙百

工日月被光澤大國本多
士荆岑無遺壁高網彌八紘皇

圖明四闢群材既兼暢故
我在草澤貴無身外名賤有區

中役忽三百齡內殷千慮
迫人生已如寄在寄復為客
舊國不得歸風塵滿阡陌

答郭黃中孤雲首章見贈

孤雲生西北從風東南飄
帝鄉日已遠蒼梧無還颺已矣
玄鳳歎嚴霜集靈苕君其勉
我懷歲暮孰不凋

送人流貶

漢章雖約法秦律已除名
謗遠人多惑官微不自明
霜風先獨樹瘴雨失荒城
疇昔長沙事三年召賈生

送人南歸

人言下江疾君道下江遲
五月江路惡南風驚浪時
應知近家喜還有異鄉悲
無奈孤舟夕山歌聞竹枝

書院無曆日以詩代書問
路侍御六月大小

野性迷堯曆松窓有道經故人爲柱史爲我數堦棠

聞雞贈主人

嘒司農鳴報爾東方旭無事戀君軒今君重見鵠

秋雨中過張伯雄期柳鎮未至招以詩

時九月十日

柳吳興近無消息張長公負苦寂寥唯有角巾霑雨至手
持殘菊向西招

合源溪期張計不至

霜露肅時序緬然方獨尋暗溪逢仙侶寒澗聞松禽寂歷
茲夜永清明秋序深微波淡澄夕煙景舍虛林素志久淪
否幽懷方自吟

竹溪

訪竹越雲岵即林若磳絕寧知脩幹下漠漠秋苔潔清光

溢空曲茂色臨幽澈採摘愧芳鮮奉君歲暮節

水亭夜坐賦得曉霧

月落寒霧起沈思浩通一作東川宿禽轉木散山澤一蒼然

漠漠沙上路汎汎洲外田猶當依樹斷遠欲續窮天

送常曾侍御史西蕃寄題西川

涼王宮毀盡蕪沒隴雲西今日聞君使雄心逐鼓鼙行當
收漢壘直可取蒲泥舊國無由到煩君下馬題

送諸暨王主簿之任

別愁已萬緒離曲方三奏遠宦一辭鄉南天異風候秦城
歲方老越國春山秀落日望寒濤公門閉清晝何用慰相
思裁書寄闕右

入南山至全師蘭若

木墮水歸聲寂然無念心南行有真子被褐息山陰后路
瑤草散松門寒景深吾師亦何授自起定中吟

罷秩後入華山採茯苓逢道者

委綬採一作名山觀竒恣所停山中若有聞言此不死徒
遂逢五老人一謂西嶽靈或聞樵人語飛去入昂星授我
出雲路蒼然凌后屏視之有文字乃古黃庭經左右長松
列動搖風露零上蟠千年枝陰虬負青冥下結九秋霰流
膏為茯苓取之砂后問異若龜鶴形况聞秦宮女華髮變
已青有如上帝心與我千萬齡始疑有仙骨鍊魂可永寧
何事逐豪遊飲啄以矐矐神物亦自闕風雷護此扁欲傳
山中寶回策忽已暝乃悲世上人求醒終不醒

嘉禾寺見亡友王七題壁

今日憶君處憶君、豈知空餘暗塵字讀罷淚仍垂

登白樓見白鳥席上命鶴鵠辭

一鳥如霜雪飛向白樓前問君何以至天子太平年

自朔方還與鄭式瞻崔稱鄭子周岑贊同會法雲寺

三門避暑

予本疎放士竭來非外矯誤落邊塵中愛山見山少始投
清涼宇門值烟岫表參差牙明滅彩翠竟昏曉冷冷遠風
來過此群木杪英、二三彥襟曠去煩擾游川出潛魚息
陰勅飛鳥徇物不可窮唯於此心了

送韓將軍還邊

白馬羽林兒揚鞭薄莫時獨將輕騎出暗與伏兵期雨雪
移軍遠旌旗上壘遲醒心戎寄重未許讓恩私

奉酬崔員外副史攜琴宿使院見示

忽聞此夜攜琴宿
遂嘆常時塵吏喧
庭木已衰空月亮
城砧自急對霜繁
猶持副節留軍府
未薦高詞直掖垣
誰問南飛長繞樹
官微同在謝公門

晚春卧病喜振上人見訪

卧床如味一作舊日窺戶易傷春
靈壽扶衰力芭蕉對病身
道心空寂寞時物自芳新
旦夕誰相訪唯當揖上人

春行

侍臣朝謁罷威里自相過
落日青絲騎春風白紵歌
恩承三殿近獵向五陵多
歸路南橋望垂楊拂細波

送賈校書東歸寄振上人

北風吹雁數聲悲
况指前林是別時
秋艸不堪頻送遠
白

雲何處更相期
山隨匹馬行看暮
路入寒城獨去遲
爲問

東州故人道江淹已擬惠休詩

汴河曲

汴水東流無限春
隋家宮闕已成塵
行人莫上長堤望
風起楊花愁殺人

來從竇車騎行

東髮逢世七懷恩
抱明義讀書良有感
學劍慙非智遂別
魯諸生來從竇車騎
追兵赴邊急絡馬黃金轡
出入燕南陲
由來重意氣自經臯蘭戰
又破樓煩地西北護三邊
東南留一尉時過欵如雲
參差自不意將軍失恩澤
萬事從此異置酒高臺上
薄暮秋風至長戟與我歸
來同棄置自酌還自飲
非名又非利歌出易水寒
琴下雍門淚出蓬

平樂舊言在天階侍問我從軍苦自陳少年貴丈夫交四海徒論身自致漢將不封侯蘇卿勞遠使令我終此曲此曲誠不易貴人難識心何由知忌諱

李君虞詩集卷上

李君虞詩集卷下

從軍詩 并序

君虞長始八歲燕戎亂華出身二十年三受末秩從事十八載五在兵間故其爲文咸多軍旅之思自建中初故府司空巡行朔野迨貞元初又忝今尚書之命從此出上郡五原四五年苻苒從役其中雖流落南北亦多在軍戎凡所作邊塞諸文皆書奏餘事同時幙府選辟多出詞人或因軍中酒酣或時塞上兵寢相與投劍秉筆散懷于斯文率皆出於慷慨意氣武毅擴厲本其涼國則世將之後乃西州之遺民欣亦其次塹當世發憤之所致也時左補闕盧景亮見知於文者令予輯錄遂成五十首贈之

夜發軍中

邊馬檣上驚雄鷄匣中鳴半夜軍書至匈奴寇六城中堅
分暗陣太乙起神兵出沒風雲合蒼黃豺虎爭今日邊庭
戰緣賞不緣名

將赴朔方早發漢武

弭蓋出故關窮秋首邊路問我此何爲平生重一顧風吹
山下草繫馬河邊樹奉役良有期回瞻終未屢去卿幸未
遠戎衣今已故豈惟幽朔寒念我機中素去矣勿復言所
疇知者遇

塞下曲

蕃州部落能結束朝莫馳獵黃河曲燕歌未斷塞鴻飛牧
馬羣嘶邊草綠
秦築長城、已摧漢武北上單于臺古來征戰虜不盡今

日還復天兵來

黃河東流、九折沙場埋恨何時絕蔡琰沒去造胡茄蘇
武歸來持漢節

爲報如今都護碓匈奴且莫下雲中請書塞北陰山石願
比燕然車騎功

從軍夜次六胡北飲馬磨劍石爲祝殤辭

我行空磧見砂之磷磷與草之冪冪半沒胡兒磨劍石當
時洗劍血成川至今草與砂皆赤我因扣石問以言水流
嗚咽幽草根君寧獨不恠陰燐吹火熒熒又爲碧有鳥自
稱蜀帝魂南人伐竹湘山下交根接葉滿泪痕請君先問
湘江水然我此恨乃可論秦亡漢絕三十國關山戰死知
何極風飄雨洒水自流此中有冤消不得爲之彈劍作哀

吟蓬砂四起雲沉沉滿營戰馬嘶欲盡昂不見胡天陰
東征曾吊長平苦往々晴明獨風雨年移代去感精魂空
山月暗聞鼙鼓秦坑趙卒四十萬未若格鬪傷戎虜聖君
破胡爲六州六州又盡空胡立韓公三城斷胡路漢甲百
萬屯邊秋乃分司空授朔土擁以玉節臨諸侯漢爲一雪
萬世讎我今抽刀勒劍石告爾萬世爲唐休又聞招魂有
美酒爲我澆酒稅東流殤爲魂兮可以歸還故鄉些沙
場地無人兮爾獨不可以久留

夜上西城聽梁州曲二首

行人夜上西城宿聽唱梁州雙筦逐此時秋月滿關山何
處關山無此曲

鴻雁新從北地來聞聲一半却飛回金河戍客一作交河

腸應斷更在秋風百尺臺

鹽州過胡兒飲馬泉

綠楊著水草如烟舊是胡兒飲馬泉幾處吹笳明月夜何
人倚劍白雲天從來凍合關山路今日分流漢使前莫使
行人照容髮恐驚憔悴入新年

夜上受降城聞篳篥

回樂烽前沙似雪受降城上英華月如霜不知何處吹蘆
管一夜征人盡望鄉

軍次陽城烽舍北流泉

何地可潛然陽城烽樹邊今朝望鄉客不飲北流泉
再赴渭北使府留別

結髮逐鳴聲連兵追谷蠡山川搜伏虜鎧甲被重犀故府

旌旗在新軍羽校齊報恩身未死識路馬還嘶列嶂高烽
舉當營太白低平戎七尺劍封檢一丸泥截取海蒲類跑
泉飲鵝鶉漢廷中選重更事五原西

赴渭北宿石泉驛南望黃堆烽

邊城已在虜壘中烽火南飛入漢宮漢廷識事先黃老麟
閣何人定戰功

赴邠寧留別

身承漢飛將束髮即言兵俠少何相問從來事不平黃雲
斷朔吹白雪擁砂城幸應邊書幙橫戈會取名

暖川川一作行

胡風凍合鵝鶉泉牧馬千群逐暖川塞外征行無盡日羊
年移帳雪中天

石樓山見月

紫塞連年成黃砂磧路窮故人今夜宿見月石樓中

登天壇夜見海

朝遊碧峰三十六夜上天月邊宿僊人攜我攀玉英壇上
夜半東方明僊鐘撞日迎海日近海海中離離三山出霞梯赤

城遙可分霓旌絳節倚彤雲八鸞五鳳紛在御王母欲上
朝元君群仙指我爲我說幾見塵飛滄海竭竦身別我期
丹宮空山處處遺清風九州下視杳未旦一半浮生皆夢
中始知武皇求不死去逐瀛洲羨門子

過馬嵬三首

路至牆垣問樵者顧予云是太真宮太真血染馬蹄盡朱
閣影隨天際空丹壑不聞歌吹夜玉階唯有薜蘿風世人

莫重霓裳曲曾致干戈是此中

金甲銀旌盡已回蒼茫羅袖隔風埃濃香獨自隨鸞輅恨
魄無由離馬嵬南內真人悲帳殿東漢方士問蓬萊唯留
坡畔鸞環月時送殘輝入夜臺此篇見李遠集數字少異
漢將如雲不直言寇來翻罪綺羅恩託君休洗蓮花血留
記千年妾淚痕

惜春傷同幕故人孟郎中兼呈去年看花友

畏老身今老逢春解惜春今年看花伴已少去年人

洛陽河亭奉酬留守群公追送

離亭餞落暉臘酒減春衣歲晚烟霞重川寒雲樹微戎裝
千里至舊路十年歸還似汀洲鴈相逢又背飛

聽唱赤白桃李花

赤白桃李花先王在時曲欲向西宮唱西宮宮樹綠

尋紀道士偶會諸叟

山陰尋道士映竹羽衣新侍坐雙童子陪遊五老人水花
松下靜壇草雪中春見說桃源洞如今猶避秦

答許五端公馬上口號

晚逐旌旗俱白首少遊京洛共緇塵不堪身外悲前事強
向盃中覓舊春

同蕭煉師宿太乙窟

微月空山曙春祠謁少君落花壇上拂流水洞中聞酒引
芝童奠香餘桂子焚鶴飛將羽節遙向赤城分

送襄陽李尚書

天寒發梅柳憶昔到襄州樹暖燃紅燭江清展碧油風烟

臨峴首雲水接昭丘俗尚春秋學詞稱文選樓都門送旌
節符竹領諸侯漢沔分戎寄黎元咸聖憂時追山興簡本
自習家流莫廢思康樂詩情滿沃洲

牡丹

紫藥叢開未到家却教遊客賞繁華始知年少求名處滿
眼空中別有花

邊思

腰懸錦帶佩吳鉤走馬曾防玉塞秋莫笑關西將家子祇
將詩思入涼州

江南詞

嫁得瞿唐賈朝朝候妾期早知潮有信嫁與弄潮兒
奉和武相公春晚聞鶯

蜀道山川心易驚綠窓殘夢曉聞鶯分明似雪文君恨萬
怨千愁絃上聲

贈內兄盧綸

世路中年別餘生此會同却將悲與病來對朗陵翁
盧和云 咸一 衰翁 一西東十年今始同可憐風雨夜相對兩

送同落第東歸

東門有行客落日滿前山聖代誰知者滄洲今獨還片雲
歸海暮流水背城閑余亦依嵩潁松花深閉關

送柳判官赴振武

邊庭漢儀重旌甲事雲中虜地山川壯單于鼓角雄關塞
塞榆落月白胡天風君逐嫖姚將麒麟有戰功

送客還幽州

惆悵秦城送獨歸
薊門雲樹遠依依
秋風莫射南來鴈
縱遣乘春更北飛

柳楊送客

青楓江畔白蘋洲
楚客傷離不待秋
君見隋朝更何事
柳楊南渡水悠悠

從軍北征

天山雪後海風寒
橫笛偏吹行路難
磧裏征人三十萬
一時回首月明看

聽曉角

繁霜一夜落庭蕪
一作邊霜昨夜吹角當城漢月孤
無限塞鴻飛不度
秋風卷入小單于

大禮畢皇帝御丹鳳門改元建中大赦

大明曠：天地分六龍
負日升天門
鳳凰飛來御帝籙
言我萬代金皇孫
靈鷄鼓舞承天赦
高翔百尺垂朱幡
宸居穆清受天曆
建中甲子合上元
昊穹景命即已至
王事乃可酬
乾坤并中告成
答玄覽
泥金檢玉昭鴻恩
云亭之事略可記
七十二君寧獨尊
小臣有上封禪表
久而未就歸陵園

天津橋南山中各題一句

野生分苔席
一作后山中遶菊叢
韋中雲衣惹不破
諸葛秋色望來空
賈島

述懷寄衡州令狐相公

調元方翌聖
軒蓋忽言東
道以中樞密
心將外理同
白頭生遠浪
丹葉下高楓
江上蕭疎雨
何人對謝公

城傍少年

夫一首

生長邊城傍出身自弓馬少年有膽氣獨獵陰山下偶與
匈奴逢曾擒射鵰者名懸壯士籍請君少相假

輕薄篇

豪不必馳千騎雄不在雙雙韃天生俊氣自相逐出與鵞
鵝同飛翻朝行九衢不得意下鞭走馬城西原忽聞燕鴈
一聲去回鞍挾彈平陵園歸來青樓曲未卒美人玉色當
金樽淮陰少年不相下酒酣半笑倚市門安知我有不平
色白日欲願紅塵昏死生容易如反掌得意失意由一言
少年但飲莫相問此中報讎亦報恩

上黃烽堆

心期紫閣山中月身過黃烽堆上雲羊髮已從書劔老戎

衣更逐霍將軍

宮怨

露濕晴花春殿香月明歌吹在昭陽似將海水添宮漏共
滴長門一夜長

莫過回樂峰

烽火高飛百臺尺黃昏遙自磧西來昔時征戰回應樂今
日從軍樂未回

遊子吟

女羞天堦薄客耻主人賤遭遇同衆流低回媿相見君非
青銅鏡何事空照面莫以衣上塵不謂心如練人生當榮
盛待士勿言倦居者白日馳何異弦上箭

飲馬歌

百馬飲一泉一馬爭上游一馬噴成泥百馬飲濁流上有
滄浪客對之空嘆息自顧纓上塵徘徊終日夕爲問泉上
翁何時見沙石

春日晉祠同聲會集得疎字韻

風壤瞻唐本山祠閱晉餘水亭開帝幕岩榭引簪裾地綠
苔猶少林黃柳尚疎菱苕生皎鏡金壁照澄虛翰苑聲同
舊賓筵醉止初中州有遼鴈好爲繫邊書

答竇二曹長留酒還榼

榼小非由榼星卽是酒星解醒元有數不用嚇劉伶

奉和武相公郊居寓目

黃扉晚下禁垣鍾歸坐南闌山萬重獨有月中高興盡雪
峰明處見寒松

答廣宣供奉問蘭陵居

居北有朝路居南無任人勞師問家第山色是南隣

喜入蘭陵望紫閣峰呈宣上人

薤草開三迳巢林喜一枝地寬留種竹泉淺欲開池紫閣
當踈曠青松入壞籬從今安僻陋蕭相是吾師

詣紅樓院尋廣宣供奉不遇留題

柿葉翻紅霜景秋碧天如水倚紅樓隔窓愛竹無人問遣
向隣房覓戶鈎

紅樓下聯句 廣宣 益

佛剎接重城紅樓切太清紫雲連照耀丹檻鬱崢嶸
烟虹入軒窓日月平參差五陵晚分背入川明松韻風初
過蓮陂浪款傾敬瞻疑諦見圍繞學無生

李益十兄病中相尋聯句 益 廣宣

策杖迎詩客，歸房理病身。閑收無効藥，過寄有情人。草木
分千品，方書問六陳。還如一室內，我爾即天親。

八月十五夜獨遊安國寺山庭院步月李舍人十兄
逢明將至，因話昨宵來。興聯句

九重城接天花界，三五秋生一夜風。行聽漏聲雲散後，遙
聞天語月明中。廣宣 含涼閣迥通仙掖，承露盤高出上宮。
誰問獨愁門外客，清談不与此宵同。 益

重陽夜集蘭陵居與宣上人聯句 益 廣宣

蟋蟀催寒服，茱萸滴露房。酒巡明刻燭，籬菊暗尋芳。新月
如秋露，繁星混夜霜。登高今夕事，九日是天長。

乞寬禪師瘦山疊呈宣供奉

后色凝秋藪，峰形若夏雲。誰留秦苑地，好贈杏溪君。

與宣供奉攜瘦樽歸杏溪園聯句 益 廣宣

千畦抱甕園，一酌瘦樽酒。唯有沃州僧，時過杏溪叟。追歡
君適性，獨飲我空口。儒釋事雖殊，文章意多偶。

野田行

日沒出古城，野田何茫茫。寒狐嘯青塚，鬼火燒白楊。昔人
未為泉下客，行到此中曾斷腸。

回軍行

關城榆葉早疎黃，日暮沙雲古戰場。表請回軍掩塵骨，莫
教士卒哭龍荒。

喜見外弟又言別

十年離亂後，長大一相逢。問姓驚初見，稱名憶舊容。別來

滄海事語罷暮天鐘明日已陵道秋山又幾重

觀騎射

邊頭射雕將走馬出中軍遠見平原上翻身向暮雲

立春日寧州行營因賦朔風吹飛雪

邊聲日夜合朔風驚復來龍山不可望千里一徘徊捐扇
破誰執素紉輕欲裁非時妬桃李自是舞陽臺

卯寧春日絕句

桃李年：上國新風沙日日塞垣人傷心更見庭前柳忽
有千條款占春

古別離

雙劍欲別風淒然雌沉水底雄上天江回漢轉雨不見雲
交雨合知何年古來萬事皆由命何用臨岐苦涕漣

幽州賦詩見意時佐劉曄

旌戎在桑乾年：薊水寒殷勤驛西路北去向長安

又戲劉濟

草綠古燕州鶯聲引獨遊鴈歸天北畔春盡海西頭向日
花偏落馳年水自流感恩知有地不上望京樓

蓮塘驛在盱眙界

五月淮水渡南行遠山陂江村遠雞應竹裏聞綠絲楚女
肌髮美蓮塘烟露滋菱花覆碧渚黃鳥雙飛時渺：沂泗
遠憑風託微詞斜光動流涕此意難自持女歌本輕艷客
行多怨思女蘿蒙幽蔓擬上青桐枝

哭栢巖禪師

遍與傍人別臨終盡不愁影堂誰爲掃生塔自着修白日

鐘邊晚青苔鉢上秋天涯禪弟子空到栢巖遊

古瑟怨

破瑟悲秋已減絃湘靈沉怨不知年感君拂拭遺音在更
奏新聲明月天

觀后將軍舞

微月東南上戍樓琵琶起舞錦纏頭更聞橫笛關山遠白
草胡沙西塞秋

春夜聞笛

寒山吹笛喚春歸遷客相看淚滿衣洞庭一夜無窮雁不
待天明盡北飛

揚州送客

南行直入鷓鴣群萬歲橋邊一送君聞道望鄉關不得梅

花暗落嶺頭雲

統漢峰下

統漢峰西降戶營黃河戰骨擁長城只今已勒燹然石此
地無人空月明

避暑女冠

霧袖烟裙雲母冠碧琉璃簾井水寒焚香欲使三青鳥靜
拂桐陰上玉壇

行舟

柳花飛入正行舟卧引菱花信碧流聞道風光滿揚子天
晴尖與望鄉樓

隋宮燕

燕語如傷舊國春宮花一落旋成塵自從一閉風光後幾

度飛來不見人

送人歸岳陽

烟草連天楓樹齊
岳陽歸路子規啼
春江萬里巴陵戍
落日看沉碧水西

上汝州郡樓

黃昏鼓角似邊州
三十年前上此樓
今日山城對垂淚
傷心不獨為悲秋

臨潯池見蕃使列名

漠南春色到潯池
邊柳青時塞馬多
萬里江山今不閉
漢家頻許郅支和

寫情

水紋珍簟思悠悠
千里嘉期一夕休
從此無心愛良夜
任

他明月下西樓



Large stylized watermark characters, likely '圖書' (Library/Book).

Vertical lines for writing on the right page.

Small square seal impression.

Rectangular seal impression with multiple characters.

